

Kuv yuav txheeb xyuas kuv tus me nyuam txoj kev kawm tau ntawv zuj zus li cas?


(How Do I Determine My Child's Rate of Progress? - Hmong translation)

Koj puas ib txwm xav tias:

- Pab neeg npaj kev kawm puas tau saib seb koj tus me nyuam puas muaj cuab kav kawm tau raws li cov hom phiaj teev muaj nyob hauv tsab IEP ntawm ib xyoo?
- Kuv tus me nyuam muaj peev xwm kawm tau ib lub tswv yim los yog ib tug cwj pwm coj sai npaum li cas?
- Kuv tus me nyuam puas kawm tau ntawv raws li nws cov hom phiaj teev nyob hauv tsab IEP?

Qhov no hu tau tias yog kev kawm tau ntawv zuj zus. Tsis yog hais raws li xav xwb, yuav tsum muaj cov ntaub ntawv xws li cov kev txheeb xyuas, qhov kawm tau ntawv raws li cov hom phiaj teev muaj nyob hauv tsab IEP, thiab cov kev soj xyuas nyob hauv tsev kawm ntawv los txheeb xyuas qhov kawm tau ntawv zuj zus. Qee tsam “kawm tau ntawv zuj zus” kuj hu tau tias “kawm txawj zuj zus” los yog “kawm tau ib qho rau ib qho.”

Qhov muab qhov kawm tau ntawv zuj zus los saib seb puas dhos kev lis dej num hauv kev kawm ntawv tshwj xeeb thiab kev tsim tsab ntawv teev kev kawm ntawv tus kheej, saib qhov ua vos hauv toom nrub nrab ntawm cov kem teev hauv qab no.



Yuav tsum siv qhov kawm tau zuj zus coj los tsim cov hom phiaj tshiab uas raug raws li siab xav thiab txheeb xyuas seb koj tus me nyuam puas kawm tau nce qib txaus raws li nws cov hom phiaj txhua xyoo. Raws li Tseem Fwv fab kev kawm ntawv hais, “Txhua tus me nyuam muaj ib qho tsis taus yuav tsum muaj txoj kev kawm ntawv tus kheej uas tsim tshwj zias los muab tau cov kev qhia ntawv thiab cov ntawv qhia raug raws li lub xeev cov ntaub ntawv qhia thiab cov hom phiaj raws li siab xav, li qhov tus me nyuam yuav muaj cuab kav kawm tau.”

Hauv qab no yog ib txoj hau kev los pab koj txheeb xyuas qhov koj tus me nyuam kawm tau zuj zus.

- Teev tag nrho koj tus me nyuam cov hom phiaj muaj nyob hauv tsab IEP.
- Ntxiv ntawm txhua lub hom phiaj mus, teev cov lus uas yuav pab koj thiab koj tus me nyuam pab neeg npaj kev kawm los txheeb xyuas qhov kawm tau zuj zus, xws li:
 - **Cov ntawv qhia tawm kev kawm tau nce qib hauv txoj kev kawm ntawv tus kheej:** Tsev kawm ntawv cov ntawv sau los yog qhia tawm txog koj tus me nyuam txoj kev kawm nce qib mus raws li nws cov hom phiaj thiab cov kev kawm mus. Yog koj tsis muaj cov ntawv no, koj muaj cuab kav hu tau rau tus tuav nws cov ntawv (IEP case manager) thiab hais kom nws xa cov ntawv no rau koj.
 - **Cov kev twv raws cov ntawv kawm thiab cov kev twv sib piv:** Cov kev twv uas ntsuas qhov koj tus me nyuam kawm txawj coj los piv rau qhov cov luaj li nws twv tau thiab cov ntawv kawm raws qib. Cov kev twv li no muaj nyob hauv koj tus me nyuam tsab ntawv ntsuam xyuas tau (tsev kawm ntawv yog tus ntsuam xyuas) los yog qhov ntsuam xyuas tau txog kev txawj ntse, kev loj hlob los ntawm cov kws txuj kho mob. Dua li no lawm tseem muaj xeev thiab koog tsev kawm ntawv cov kev twv xyuas uas muab rau txhua tus kawm ntawv ib los yog 2 zaug ib xyoos twg.
 - **Cov kev ntsuas qhov kawm tau raws li cov ntawv kawm:** Cov kws qhia ntawv siv cov kev twv xyuas no coj los txheeb xyuas qhov koj tus me nyuam kawm tau zuj zus mus rau cov hom phiaj teev muaj nyob huav tsab IEP thiab lwm cov hom phiaj. Txoj kev twv xyuas no yog siv cov kev ntsuas saib yooj yim thiab muab qhov txheeb tau kev kawm tau nce qib ntau zaus tshaj li cov kev twv xyuas raws li xeev cov ntawv kawm los yog cov kev twv xthua xyoo.
 - **Kev soj xyuas thiab kev qhia los ntawm cov kws qhia ntawv.** Cov ntawv qhia tawm ua lus hais los yog sau ua ntawv txog koj tus me nyuam txoj kev kawm tau ntawv nyob hauv lub rooj sib tham ntawm niam txiv thiab cov kws qhia ntawv, lub rooj sib tham npaj tsab IEP, los yog hauv email los yog kev sib tham hauv xov tooj.
 - **Kev soj xyuas thiab kev qhia los ntawm tsev neeg los yog cov qhia pab:** Koj tus me nyuam ua tau li cas nyob hauv tsev los yog hauv zej zog. Qhov no yuav yog cov lus qhia muab los ntawm tus kws kho mob los yog tus kws txuj ua hauj lwm nrog koj tus me nyuam.
- Thaum koj tau tej xov no lawm, tseem ceeb kawg uas koj yuav tau nrhiav tswv yim los ceev tej ntaub ntawv no cia xwv thiaj muab tau yooj yim thiab muab coj los qhia rau pab neeg npaj kev kawm. Qhov ceev li no yuav yog ceev rau tej kem ntawv, tej phab ntawv los yog teev cia tej xov no los ua tej lus tseem ceeb thiab sau tias koj ho tshawb tau qhov twg los.

Saib qhov hais piv txwv: Jessie niam thiab txiv yuav mus koom nkawv tus ntxhais lub rooj sib tham npaj nws tsab IEP txhua xyoo, uas yog lub 4 hlis rau xyoo kawm ntawv no (kawm qib 6). Pab neeg npaj kev kawm xav sau ib lub hom phiaj tshiab txog kev nyeem ntawv thiab yuav tau txheeb xyuas qhov nws kawm tau zuj zus nyob hauv nws lub hom phiaj nyeem ntawv yav tas los xwv lawv thiab sau tau lub hom phiaj tshiab raug thiab kawm tau.

Lub hom phiaj tam sim no yog: thaum muab kev qhia nyeem ntawv tshwj xeeb, Jessie yuav pib nyeem tau ntawv nyob qib pib kawm qib 3 kom raug 50% uas yog nyeem tau 30 lo lus ntawm ib feeb twg mus txog qib pib kawm qib 4 kom raug 90% thiab nyeem tau 60 lo lus ntawm ib feeb twg 5 zaug ntawm qhov nyeem ntawv 5 zaug.

Pab neeg npaj kev kawm yuav xam xyuas cov lus hais mus no:

Cov ntawv qhia kev kawm tau ntawv: Hauv txoj kev kawm ib xyoos, Jessie nyeem tau 50% mus rau 90% raws li nws lub hom phiaj nyeem ntawv xyoo ntawd. Nyob hauv txhua qhov qhia tawm nws nyeem tau ntawv ntxiv li 10% thiab nce mus rau qib 1.5 lawm.

Kev soj xyuas thiab cov lus qhia los ntawm cov kws qhia ntawv: Raws li daim ntawv tus kws qhia ntawv As Kis sau cia thiab daim ntawv qhia tawm xyoo tas los, Jessie kuj nyeem tsis tau ntawv zoo thaum pib mus rau lub hom phiaj no tab sis kuj pib kawm tau zuj zus lub ib hlis no lawm,

Lub rooj sib tham xaus lus: Pab neeg npaj kev kawm txheeb xyuas tau tias qhov Jessie nyeem tau zuj zus tsuas yog 10% ntawm 2 lub hlis twg rau qhov kev qhia ntawv tam sim no. Pab neeg npaj kev kawm pom zoo tias yog Jessie kawm tau ntawv zuj zus li no mus rau lub hom phiaj tshiab, nws yuav nce mus tau rau qib 1.5 tshaj nws cov phooj ywg thaum nyob qib 7.

Raws li qhov nws kawm tau zuj zus tam sim no, pab neeg no sau lub hom phiaj li nram no:

Lub hom phiaj: Raws li qhov muab txoj kev qhia ntawv tshwj xeeb, Jessie yuav nyeem tau ntawv pib los ntawm qib pib kawm cov ntawv hauv qib 4 kom raug li 90% uas yog nyeem tau 60 lo lus ntawm ib feeb twg mus txog rau qhov txawj nyeem nyob rau qib kawg ntawm qib 5 uas yog nyeem tau raug li 50% ntawm 80 lo lus ntawm ib feeb twg hauv 5 zaug tawm ntawm qhov nyeem 5 zaug.

Lo lus xaus, qib kawm tau zuj zus yog ib kauj ruam tseem ceeb hauv kev sau cov hom phiaj raug raws li qhov ua tau thiab txheeb xyuas seb koj tus me nyuam puas kawm tau txawv zuj zus mus rau cov hom phiaj teev cia.